

P R A E F A T I O.

NON angustum Eruditionis Ecclesiastice campum studiose genti sacra Liturgia exhibet, quæ de Ritibus adhibitis ad publicum Dei cultum, in ministrandis divinis Sacramentis, atque in aliis Catholicæ Religionis Officiis agit. Ex quo Carolus Magnus Augustus, ejusque Filius LudoVICUS Pius tam Gallos quam Germanos ad restaurandum jacentium Litterarum Remum excitavit, jam tum docti viri ad hujusmodi argumentum exornandum se contulere, Amalarius, Florus Magister, Agobardus, Rhabanus Maurus, Walafidus Strabo. Subsequentibus Sæculis Berno Augiensis Abbas, Micrologus, & qui sub Alcuini nomine evulgatus est Scriptor. Serius quoque Guilielmus Durandus, & Jobannes Belethus de divinis Officiis multas tradidere. Tum Sæculo Christi Sextodecimo Jacobus Pamelius, Gregorius Cæſſander, Jobannes Stephanus Durantus, Claudio de Sancte, & alii, qui Orientalium Ecclesiasticarum Liturgiarum Latio donarunt, in hac palestra se exercere. Longe majori etiam successu, sub sequente Sæculo Decimo septimo, Liturgiæ Ecclesiastice patrimonium est auctum; nam, ut alios prætereaem, Jobeph Vicecomes, Jobannes Baptista Casalius, Bartholomæus Garantis, Jacobus Goar, Gabriel Alaspineus, Leo Allatius, Jobannes Morinus, & Hugo Menardus, accuratius de Ritibus sacris scripsere. Sed omnium maxime nos obstrictos fatemur tribus hoc de argomento Scriptoribus, videlicet Jobanni Bonæ Cardinali, qui Res Liturgicas tanta cum eruditione ac judicio prætractavit; & Venerabili Cardinali Josephi Marie Thonasio, qui tot egregia bac de re Monumenta tenebris erecta evulgavit; & Jobanni Matillomo immortalis nominis viro, qui in hoc etiam argumentum vires suæ eruditioñis non uno opere extendit. Ab hisce vero Catholicorum studiis excitatus inter Anglicanos Jobeph Bingbamus, quum multis & ipse Libris Origines, sive Antiquitates Ecclesiasticas excolendas post primos Sæculi præsentis annos suscepisset. Liturgiam quoque sacram illustrare aggressus est, Sectæ suæ pro viribus servians, sed non semper veritati. Isdem ferme temporibus egregium Opus consecit Elieſer Renaudotius Parisiensis, Collectionem scilicet Liturgiarum Orientalium, quas etiam eruditissimis Notis auxit. Mirum quoque in modum bene de eadem Liturgia meritus est Pater Don Edmundus Martene Benedictinus e Congregatione Sancti Mauri, editis quatuor Tomis de antiquis Ecclesiæ Ritibus. Ad hæc Pater Petrus le Brun, Oratorii Parisensis Presbyter, quatuor alii Tomis Explicationem Missæ, omnium utilissimam, & Liturgiarum quarumcumque compendium, nobis dedit, una cum aliquot Dissertationibus Liturgicis, quibus singularis laus debetur. In Italia vero Pater Joseph Blanchinius, Oratorii Romani Presbyter, insigne beneficium Christianæ Reipublicæ contulit ob detectum, typisque publicis traditum Leonianum Sacramentarium, simulque ob antiquum Gothicò-Hispani Ritus Orationarium, luce donatum atque illustratum. Præterea Pater Don Cajetanus